


建昌府志



建昌府志卷之九

秩祀志

丘墓

南城五代危王全諷祖墓

在三都界潭

宋大學說書李觀墓

在郡治北郭鳳凰山麓門人陳次公志其墓銘曰余侍先生得堯舜

禹湯文武周公孔子之事甚詳皆本書詩非諸子之緒言也於是浩嘆魏晉之際莽卓之間惠慎之時聖人之道已大壞有由然及究莊生之言今世之仁人蒿目而憂世之患不仁之人决性命之情而饜富貴焉知魯史之不為桀跖之嚙矢曰儒者未嘗是之而余獨是之嗚呼天乎其意不在斯文乎何奪先生之速哉何奪先生之速哉郡守立思賢堂以祀之明成化三年盜發先生塚知府謝士元具棺衾易塋大營石壙邑人吏部主事



左贊請於朝得立祠今有司歲祭以少牢且禁樵牧學士陳鑑修撰羅倫皆有記羅倫記曰生而必死聖賢無異於衆人也死而不忘與天地並久日月並明其為聖賢乎泰伯先生其亦聖賢之徒乎先生姓李氏諱觀字泰伯學通五經尤長於禮以文辭自立其言大而正郡治北有鳳凰岡先生初書院其下學者千餘人南豐曾子固其高弟也范公仲淹余襄公靖交薦之召為太學說書卒年五十一塋鳳岡之麓寶祐二年郡守王瑱立興文堂以祀之開慶元年郡守曾埜更其堂曰思賢右立盱江書院仍舊名也書院廢而先生之墓墟矣成化三年春長樂謝公士元來守郡夢先生對浮太白飲覺而異之翌日有白於府曰盜發先生墓矣太守具棺衾將易葬焉啓壙視之二太白宛然夢中見者夢方解於是議請祠如故事會吏部主事左贊以請命下立祠壙扁曰景賢祀以少牢春暮行禮歲如初又募閩石工大營冢壙壙以石為之壙中高五尺廣視高損一深廣倍之中甃加堊外錮以石前廣若堂繚以周垣湖西羅倫辦香謁之太守述其夢曰先生之歿距今四百十三年

矣而精神感動有如此者蘇子曰不依形而立不恃力而行不待生而存不隨死而亡者其此之謂乎回視烟草中冢纍纍然太守嘆曰是庸非人乎哉倫曰何獨此也桓山之石驪山之錮庸非人乎哉其圖身後者非不至也魯幾何時狐兔穴其傍樵兒牧豎躑躅其中草中纍纍者曾不若也方其生也柄一國之雄擅四海之富何求而不遂哉身死而遂不保焉何也先生以葭屋寒夫初無一命之榮尺土之富而身後之榮終乎天地焉君子其知所擇矣太守曰夫子之言雍門周不如也請告邦人庶有聞先生之風而興者

侍郎包恢墓 在縣南十里洪源

侍郎王羲叔墓 在西水

侍郎聶子述墓 在四十四都無極觀側

侍郎陳宗禮墓 在九都化成寺後南豐人

尚書張大經墓在梁湖

開府張新墓麻姑山下

侍郎劉國瑞墓在十九都九鄉

元翰林學士程鉅夫墓在四十四都統堆學士危素夔

元大帝御極俊又飛騫諤諤程公蚤起南服宿衛禁廷

眷遇彌篤有燁令譽館閣迴翔敷陳時政用戒苞桑皇

有萬方莫匪臣妾立賢無方庶政斯協臺府穹宥冠于

江東往往執法亟蕪痲痲共驩在朝星馳入奏指佞觸

邪謔言游構克知灼見維帝聖朝繡衣持斧憲度肅清

召還詞林為國蒼桑林之事引古進戒從容奉身歸

老丘園百辟祖餞錫賚便蕃碧澗紅泉公所游衍魚鳥

相忘放懷高遠侃侃正色功在四朝贈謚之典式勸臣

僚可封之鄉大磐之墓子孫來瞻春雨霜露樹碑神道

制命廷臣金石不朽永昭皇仁宋濂贊曰巍巍世祖卓

越百王義聲神威撫一字疆公起從之仗義激昂成韶

皇度袞冕憲章乘輿來南繡衣焜煌玉扎牛溲藥籠並

藏出而醫國大小畢張吐握見賢如渴得漿雖居鑿坡

不異廟堂以順為明以柔居剛式憲且文於燁其光

十侍郎墓在九都東崇世傳一老眼田于田間遇一

明益端王墓在三十六都金華山憲宗第三子

益莊王墓在二十六都二仙山端王子

益恭王墓在城東四十都資聖山有饗堂

益昭王墓

益宣王墓

益敬王墓

益定王墓

俱在十里
女冠山

左布政使饒禮墓

在三十五都
都銅盤石

按察副使王增墓

在三都
大富山

叅政李永年墓

在大富山

叅議饒晞墓

在十七都
都麻源

贈吏部侍郎鄭守中墓

在十四都
都左岳

吏部侍郎鄭誠墓

在大富山大學士楊士奇志其墓銘曰鄭出姬姓以國氏代有文章昔聞

世天建皇明啓隆治選賢任能布列位天官實重鑑衡寄厥卿暨佐必簡畀文實起肝秀出萃明經入官卓尚志三奮崇陟冢宰二致勵夙夜敦劫忠庶士濟濟以彙審厥減否稽所事致公與明平不陂日進日退中以制厥所推轂必旣試温温處物色不厲弗媿弗迂一循義曷遽奪之弗弘施嗟其全歸靡忤愧佳城鬱鬱肝之溪復欲考之此其槩

封御史鍾則韶墓

在赤面石

御史陞叅政鍾旭墓

在赤面石司
業吳溥志銘

右都御史鄧棨墓

在小竺大學士陳循志神道碑正統十四年秋七月旣望大駕親征於邊

時扈蹕者百官有司咸備而右副都御史建昌府鄧公孟擴實領都察院事以行師次榆林公度不可遠出卽上章請以命大將而乞回鑾至宣府大同皆如之時內官王振專擅凡如公以言者皆矯制不允比諜知寇倡

丘墓

厥始班師至土木我軍將潰同行者語公曰吾輩可自
 脫去公言鑿與不返我尚何歸主辱臣死分也遂死于
 難時八月十五日明年三月誥贈資善大夫右都御史
 遣官論祭官其子瑞為大理右評事瑞痛不得公之遺
 體以所收其平昔爪髮并字跡受以衣冠棺斂歸葬其
 鄉先墓之側而奉吏部侍郎何公文淵所狀事行來請
 文志墓外按狀公諱彙孟擴其字也姓鄧氏建郡南城
 邑小竺鄉人公之曾祖濟遠祖信可父伯修以醫道相
 承濟人不責報毋鄭氏謹婦德公生五歲已知讀書酷
 好紙筆或不得紙輒書几案往往洒墨溼衣翻以為喜
 八歲已能背誦孝經小學若固有者既而以俊秀選入
 郡學補弟子員從鄉先生程睦崇講受禮記繼又從前
 監察御史聶任習科舉業勤勵問學雖盛寒暑早暮不
 懈遇月明或乘以讀書冀省膏火以備他夕繼晷其勤
 篤之計率類此永樂庚子舉又四年擢刑寬榜進士歲
 餘授廣東道監察御史居官務持大體不屑細故見人
 一善事必思自勉聞一不善之事輒自省察嚴以律已
 恕以逮人至於獄用刑必以明允存心嘗奉命按撫

松諸郡不嚴而吏畏其威不寬而民懷其德父老度其
 歲餘例當代相率二千餘人乞再留公一年於朝得請
 未幾公以禮郡縣致賻贈悉辭謝不受宣德十年詔起復
 祭必戒事於福建所至精於訪察司朝於擒縱無一人有
 公理既竣事歸會陝西奏闕按察司武備修而戎敵
 辭者既竣事歸會陝西奏闕按察司武備修而戎敵
 必得清慎有威望者為之薦遂得受職以行在陝十年
 不帶家子弟激揚善惡咸當乎人輒讀書誅詩以取
 於時務公勤廉慎為上下所信服暇輒言切於時政凡
 適其性情而巳一無所累於物嘗上疏言幾之先見
 百歲皆見采納如言選將練兵以謹邊防又稱善冀
 者歲滿將詣京歸吏民父老涕泣攀贈而誦德稱善御
 其浚來者環滿車下公至京得超進都察院右副都御
 史遂有扈蹕之行其生洪武二十九年十月九日享年
 五十有四配葉氏出名族子惟瑞一人墓在邑小竺鄉
 社林山之原葬於景泰庚午年十二月二十七日銘曰
 嗚呼孟擴胡遽已矣衆之望之詎止於是澄清百度紀

丘墓

五

綱庶寮粵在外服孟擴其超善焉有憑惡以無惧惟祝
 孟擴於官留去冠多執憲廿有五年治公退食形影不
 然已不自治曷以律人孟擴知恤篤持乃身孰象太微
 日惟御史嗚呼孟擴其何愧此既總外臬復參內臺曾
 幾何時計來告哀人誰無終孟擴死難死往雖艱生還
 可鑒魂逐故物遙返舊鄉何必有身乃為歸藏迢迢盱
 江從茲祖兆我銘
 孟擴於未有耀

大理卿徐義墓 在沙溪

副使上官民瞻墓 在七十三都太平頭

御使聶任墓

參政左瑞墓 在北五里庄黃湖山學士饒溥銘

太常卿程南雲墓 在麻源

給事中丘嵩墓 在孫家邊

中書舍人章文昭墓 在聖山下塩頭

知府程羽墓

御史陶復墓 在蕭家爐石龜源尚書馬文升志銘

僉事余泰墓

評事上官民望墓 在殷家源

郎中方嵩墓

少卿程洛墓 在王春

右布政使左贊墓 在麻源雲門寺後尚書何喬新表

參議左賢墓

在十五都斗華山下

贈禮部侍郎張德厚墓

贈禮部侍郎張文質墓

在麻姑山左時翊志共墓

贈吏部侍郎羅大矩墓

在磁龜孫玘狀畧公生有異質自脫襁褓至匍匐時遇字書必

盤舞之等他弄具暨能言即習聲律有傳言中朝將軍

來群兒驚匿絕公獨踞迎見將軍鞞大如櫺將軍曰兒

隨我乎應之既抵二里所籍洪知縣家將軍立樓上呼

曰兒何好曰好書洪世儒藏書千卷將軍命擲付之公

守不移將軍起以數僕舁歸盡得洪氏書父司稅使蘭

溪局以疾卒公甫十一到縣謁尹尹訝其幼問年以實

對路幾何曰一千四百里何所乘而來曰驢一頭且上

且下日步半之尹大驚異長益嚴門地之辨臨問左則

直視鼻息翕然時例出百戶旗軍布天下坐縣衙名勾

軍武階利也公應年胥與族子典計除之興亦胥拳勇

與公埒曰湏白尹公曰尹百若是然白則洩敗矣晨興

偕興入縣堂百戶杖眾胥自若公赤身擁禡軍杖委之

庭梓官旗拳擊如杵聲尹驚匿入勢頓殺比縣樂効之

事得上聞止民大悅其坐鄉亭臨所繫必自裹糧炊食

群胥故群胥不敢立異鈞貨里中稱平

贈吏部侍郎羅文程墓

在二十七都李西崖志其墓銘曰鬱而崛其氣有勃斂其鏗弗

剛以缺礪以發亦莫我敢

遇固天將成之匪子奪

僉事江澂墓

在六都小灘張栢崖志其墓

太僕卿鄭攸墓

在四都大坑

副使王華墓

在燒州

知州黃壽墓

在豐州張栢匡志其墓

加贈奉直大夫通判夏泉墓

在東芙蓉山張栢厓志其墓銘曰劉削為梁曷登明

堂鑿鑿為柱中流何樹勁楫可川翻淪近淵較堪長陸臨門折軸物理猶然矧於人焉誰不奮厲動為時滯于嗟時清命也何情已矣埋玉乃爾荒谷蕪海之濱盱姥之津遺聲猶在應傳無文

府尹姚仁勗墓

在四十一都墩頭

敕葬文林郎義寧縣知縣鄭溥墓

在羊公山禮部侍郎羅玘銘曰郎官百里

人間有敕葬兩親天下無

贈太子太傅禮部尚書張昇墓

在上湖源侍郎羅玘志其墓銘曰軍都蛇蟪連

西則延索盱中川郡殿厥墟爰發有初巖山澤癯乃天發公實華享豐今始令終

贈禮部尚書吏部右侍郎羅文肅公墓

在金谿項山寺左山之原大學

士費宏志其墓銘曰盱之山秀拔而上參盱之水清曠而東馳鍾為異人莹徹魁奇蓄之既深其發也遲藝苑文堂大放厥辭嘔心搢胃以古為師氣韻沈鬱周昂商彛高驥遠馭天馬不羈行以文類志不獨時念切國本欲拯其危先幾冒諱弗究所施惟其文章千秋為歸

右叅議黃清墓

在三都黃坊提學副使洪範志銘

左布政使張恩墓

在蘇始山大學士賞宏銘

同知陶清墓

在吊鍾山下舉人曾溪銘

知州鄭崒墓

在獅子山侍郎朱大器銘

刑部郎中程材墓

在女冠山

封主事前訓導朱宏墓

在赤面石下

刑部主事王素墓 在高家源

哀烈婦胡氏墓 在麻姑半山

贈指揮同知章深墓 十五都

陝西都指揮使僉事胡紹澄墓 尚書譚綸銘

贈嘉義大夫太常寺卿夏良勝墓 在鳳凰山下制曰朕

凡厥渥典而錄舊臣正以獎忠貞而維世教也爾原任

太常寺少卿夏良勝宅心正直積學宏深奮跡制科早

擅文章之譽授官銓省克隆藻鑑之稱伏闕以諫南巡

抗章而議大禮並逢叢譴共仰高風茲贈爾嘉議大夫

太常寺少卿云云

大理寺左寺副鄭淵墓 左岳

封刑部主事張端墓 在平田侍郎許孚遠銘曰學積

德乎燕山萬石之風昔

者太守許子今銘公

處士吳望學墓 在應家源翰林嚴素銘曰於嗟處士

孝且仁應家之源卜新堂慶澤綿綿裕

後人

迪功郎李敬墓 在二十四都刀

刑部主事張時亨墓 在港

惠州經歷李憲墓 在金堂山布

通判范練墓 在李家坊府

平樂州學政左友丈墓 在麻源

丘墓

九

贈山東叅政左謙墓 在包家嶺

進士左悠墓 在靈仙觀

教諭左海墓 在眠犬山

教授左宏墓 在靈仙觀

訓導左登墓 在水濶

兩浙鹽運副左文麟墓 在麻源天虹山尚書張鑿銘

贈四川道御史左于貞墓 在麻源眠犬山

郴州知州范沂墓 在上湖祭酒王材銘曰機慧滿天下而公守其

約謂朴為愚則何以薦于賢書而縮大州之符謂約為拘則何以休居而浸列名于學廬其漢詔舉之使與其

漢詔舉之徒與

明聘君鄭與常墓 在規塘尚書胡澹志

知縣鄭鑑墓 在楊源亭憲薛應旂銘

光祿寺丞張墓 在脩仁觀右

贈貴州道監察御史陶平孚墓

貴州道監察御史陶復墓 在一都石龜源馬文升銘

光祿寺署正姚士望墓 在石頭港饒景暉銘

贈指揮同知李瓊墓 少卿程節銘曰生于將門其生也榮死忠于國其死也矜雖齋爾壽

實永爾名無忝爾所生噫爾親跋涉同人號咷呱呱獎孰不盡情郭峯之陽維君佳城褒封有待光照泉扃

慶澤爾胤接武繩繩
百世之下徵斯墓銘

贈都督僉事李應陽墓

在楊梅山尚
書戴燿銘

泰寧縣知縣李椿墓

在岳口進
士許洛銘

贈兵馬指揮使張憑墓

選貢博士李鉞墓

在刀水尚書
鄭繼之銘

通判張于岸墓

同知馬玉墓

在入
都

同知馬淵墓

在入
都

知縣許洛墓

在洪
源

進士張嶺墓

知縣劉源墓

刑部主事曾傑墓

在麻
田

學錄鄭濬墓

在葉
家坊

封文林郎贈刑部郎中王湧墓

在望馬崗尚
書吳文華銘

教諭蕭元吉墓

在沙溪之渠源知府吳崧銘曰惟公之
行玉美金良惟公之文布帛稻梁成就

後學四方仰望梁木既壞斯
文感傷勒此銘辭潛德有光

州同朱益奇墓

在麻
源

贈永福知縣聶宣墓

在藍田鄉桐埠
學錄鄭濬銘

縉雲知縣黃季茂墓

在硝石官井前太常寺卿鄭文璧銘

知縣黃文煒墓

國子助教夏念東墓

東芙蓉山

贈刑部郎中吳承訓墓

在青綏

刑部郎中吳衍墓

在官坊橋祭酒王材銘曰玠汝諸吳裔出延陵自蜀來居宣公是稱東坪

之系至公聿與刻志勵學賢科奮騰歷職中外榮艱屢膚質任靡鰥勤績茂凝急流勇歸雲斂淵澄優游洛社衆美式憑昭代佑敷髦譽烝烝義聞考終德祚有承返于大化萬有之恒

苑馬寺少卿程燦墓

在石崇觀王材銘

通判蕭玘墓

在沙溪朱大器銘

封刑部主事羅錦墓

雲南叅政羅汝芳墓

在魯潭翰林楊起元銘左都御史鄒元標頌曰神隱而費力弘而毅

噓吸萬類胎育元氣蚤竭心思晚順天成何思何慮斯道典刑其心孔仁其仁以身周流海宇物我皆春濟濟多士私謚明德繼往開來百世不忒

敕葬刑部左侍郎朱大器墓

在北關外神嶺侍讀張一桂銘

知縣萬邦獻墓

在二十四都水尾丁此呂銘

兵馬指揮使張歲墓

寧國同知吳朝宗墓

在郭仙峯寧國太守蕭良譽銘

常寧知縣蕭鎧墓

在十三都鄱陽橋

丘墓

雲和知縣蕭淵墓

麻源寨背

叅議蕭九成墓

在鄭坊

潛山知縣蕭鵬墓

在小灘首待詔鄧元錫銘曰學蘄于施貞方自持而厄于資仕實不逢追

琢厥詞以暢其衷雖厄不逢吏以廉稱老以詩名視世之蠅蠅營營泯泯者不謂激而徒于南溟也耶

浙江都司經歷蕭應雲墓

左石頭港口

左布政丘浙墓

廣州太守洪有助銘

岳州府同知夏寶墓

在瑞杭祭酒王材銘

合州州判夏日貢墓

在竹田

經歷張鑑墓

在廠口尚書張昇銘

兵部主事張時顯墓

湖州同知黃淳墓

彌勒知州陶標墓

在瓜嶺推官何濤銘

通判朱邦華墓

鳳凰山下鄧鍊銘

獨山知州周豹墓

在石仙峯推官王棟銘

徽州同知許璜墓

在金塘大學士許國銘曰十年郡閣砥觚培樸大夫嶽嶽廿年林泉任真

守玄大夫翩翩儵然而來儵然而往朱門之傳青山之長八表非壽五命非榮考終有子雖歿猶生

贈臨桂知縣王國顯墓

在石獅坑

刑部郎中王懋中墓

在石獅坑范涑銘

贈太僕寺卿鄧祿墓在上同到侍

贈太僕寺卿鄧維垣墓在新城坪公口

敕葬太僕寺卿鄧鍊墓在快塘大學士葉向高銘曰公

鄉密邇湘門如市公心如水統均匪人與奄為北公發

其姦朝士夕禡五嶺三吳公德所被至于海邦從風而

靡解組盛年考終故里吁嗟世路悠悠曷底孰不如鈞

公也則矢孰不夜行公也知止停史有辭示此臣執禮

部尚書馮琦銘曰鄧氏之著自春秋歷葉濬源演厥流

公昭前烈茂有聲天球在序壁連城書獄金矢利積牙

有峩其冠多觸邪手揮白壁走陰陽嗟為膏兩吸秋霜

五刑之評帝念之棘寺清讞剖媿疑天馬葡萄何處尋

課駒不衍責其金祭金大賚羽林材蒿目僕臣疏議裁

宦海驚濤眾皆聞公動無頭名益芬仕路趨羶難具陳

公未及艾已乞身造物與德不與年去官去世如厥然

煌煌星斗照大輿神歸河嶽魄安居原上松栢聽號風

我銘在下
氣如虹

贈刑科給事中張元陽墓在大水

刑科給事中張鳳翔墓在百一都檢討趙師

贈刑部員外郎黃容墓在鯉湖

贈平陽知縣萬倉實墓在後山

贈國子監典籍丘亮墓

歸德府通判丘蘭墓

於潛知縣黃華墓

鹽運副使朱益光墓在石仙山麓

南克知縣吳鑑墓 在鯉湖市背司李陸鍵銘曰惟彼達
人以死為息而我碩人以孝為則蹇
于仕豐于賢修行于悶悶垂蔭于綿綿
嗚呼公祐自先真宅祖阡千萬斯年

贈黃州府通判黃惟洪墓 在官塘

崇明知縣黃惟用墓 在三都

贈杭州府通判黃惟志墓 在三都

贈金華府推官黃文墓 在洪源

金華府推官黃承試墓

贈瑞安知縣上官昂墓 在孫坊

崖州知州上官宣墓 在孫坊

贈按察司副使丘燦墓 在七都

應天府府丞王一言墓 在四十五都塘源主事山陰門
人王思任銘曰血木發肝谷以

高溪以大不溪不谷有帶水上善馬而自下如山脫九
列則鴻每淮厥寸田以留子孫之稼維彼塘源之壤清
風白月泓然湛止
而豈溟滓乎長夜

太常寺少卿左宗郢墓

順慶知府范柳墓

叅政黃守經墓

刑部郎中鄧允淳墓 在三十九都昶墓潭大學士傅冠
銘曰冢有大鳥高以厲也上觀下

擊不多殪也罕如鬲如狐兔失聲而
長逝也我銘以貞之藜藿之衛也

丘墓

又十四

大名府通判張時康墓 在三十三都漁家橋

真定府知府鄭之文墓

桐城縣知縣馬煥賓墓

永州府知府黃彬墓 在四都大源

江華教諭丘時行墓 在石崇觀

蘭州同知黃有仁墓 在十五都夏家橋傳占衡銘

贈翰林弘文院庶吉士潘長郁墓 在十五都包家嶺

贈翰林弘文院庶吉士潘長庚墓

進士魯逢年墓

贈左母蔡氏太孺人墓 在麻源天虹山徵士翰林待詔鄧元錫銘曰雲蓋田北母斯阡

奕奕大左維慶源寶慈寶儉人淵淵教寬教惇恒身先解髮到薦古與肩我銘不信狀燁然日視孟母何讓然

子輿往矣今景賢視此貞石矢勿諼

贈御史妻左母張氏墓 在望雲庵後

南豐五代蜀駙馬吳宣公 在九都青魚潭

宋張洞宣墓 在五都石仙巖之後

游茂洪墓 在五十四都樟潭堡妻子凡三塚茂洪為唐開元時令沒遂葬焉

仙人王侍宸墓 在神龜岡今屋之

諫議大夫魯致堯墓 在七都崇覺寺之右歐陽修題其墓畧曰維魯氏始出於鄆鄆為姒

丘墓

十五

姓之國微不知其始封春秋之際莒滅鄆而子孫歲亡其在魯者自別為魯氏蓋自鄆遠出於禹歷商周千有餘歲常微不顯及為魯氏而黜參元西始有聞於後世覆而世德之積也久則其發也宜非一二世而止矧公事屢見聽用自言西事不合而止遂以卒於外然其在外所言尤多如在朝廷任言責至其難言則人有所不敢言者余於議論既不能盡載而亦有所不得載也取其初不見用久而益可思者特詳焉所以見公之志也銘曰公於事明由學而知先知逆決有若著龜告我不欺不顧從違初雖不信後必如之公所議論敢人之難言猶可聞銘而不可朽公也長存

中書舍人曾鞏墓

在崇覺寺之右韓維題墓碑畧曰公

不苟合朋友不善必盡言其過有善則推揚其所長獎誘後進汲汲惟恐不達其為政嚴而不擾必去民疾苦

而與所欲者未嘗按劾官吏所蒞至於今思之天子且欲大用而公不幸死矣自唐衰天下之文變而不善者數百年歐陽文忠公始為大正體一復於雅其後公與荆公介甫相繼而出為學者所宗於是大宋之文章炳然與漢唐侔盛矣銘曰猗嗟子固文與質生不勤其斯幼則大成學富行茂其蓄翊翊發為文章一世大驚哲人既萎邪說嗶吠公不聽瑩徑前無闕破廢藥瘍刺昏剔曠波濤云云東入於海姬淪劉亡文弊辭靡引商導羽偶六駢四組繡芬葩不見粉米公於其間鷹揚虎視發揮與雅揀斤浮累巍然高山象人仰止棲遲楊曹翺翔書府如鷲之鶚如薪之楚出貳于越究問疾苦屬歲大歉稼荒于畝興積于民發藏于庾既助既補張領目哺式歌式呼謂公父母一麾出守六上郡計振張領目補葺頽弊庭不留訟獄無濫繫勞之來之鰥寡以遂公殿海服有命來觀帝曰汝賢毋遠王室其代予言汝旦謀八則造滕公不用竭公志不卒偉望廣譽如星如日石可磷兮公名不沒

翰林學士曾肇墓 在飯信寺之側

司空曾洪立墓

光祿朱軾墓

司業朱京墓 在馬退石之蛟塘

轉運使彭肇墓

侍郎朱彥墓 在龍池鄉延福寺側

辛殿院墓 在無垢寺側

知州裴彥直墓 在三教堂

劉公江樓墓 在八都石溝曾致堯題其墓 劉水村墓 在四都

謝處厚墓 在河東塔下

李商卿墓 在三十六都包樞密恢題其墓

侍制符行中墓 在縣法興寺側

三將軍墓 按舊志在朝天門外蔓翠湖側或謂劍邑之初以劍一印一戟一瘞于乾方以礮兵火疾厲因名今考其地即宜春門外也

明叅政趙濟墓 在九都魚團

副使李玘墓 在舊山壇側 運司趙郡墓 在八都黎樹山大學士林鈺銘

副使李立墓 少詹趙師聖墓 在龍湖大學士成基命銘

副使趙禮墓 在三十六都黃澤志其墓 封知縣趙令高墓 在紫雲橋祭酒趙廩銘

丘墓

少卿江冕墓

知州鄧汝相墓 十五都新田都御史陳薦銘

訓導崔會墓

廣東提學副使王璽墓

四川成都知府邵廉墓

封提學副使王紹墓

封工部主事邵熙墓

封刑部主事甘文仲墓

封翰林檢討趙伯極墓

贈英山知縣曾勗墓

贈鹽運判黃廷蘭墓 在六都石背山

新城前五代陳高祖霸先墓 在小合嶺下按一統志初葬時神仙謂霸先曰可去

矣慎勿回首既行三十三步回顧神仙曰子之興可三十三矣止以史考之言果驗

吳文惠祥夫墓 在縣東興土九里源

後五代黎汾祖墓 在來豐石垓陂浚汾與兵危全諷掘其屍而投之水汾兵于是敗焉

黎汾墓 在隊坑汾五代人即僕射也

鄭侍郎墓 在棲雲山下相傳為唐宰相鄭畋者非也

宋張馬將軍墓 在縣欽富嶺山頂圓平如結可閱千兵宋初閩越竊據馬兵領義兵禦於閩嶺

累取勝功未就而卒葬於此

黃司空墓

按舊志謂今儒學乃司空屋基左有古塚為司空萬

狀元張淵微墓

在縣北廩山後

余駙馬襄毅鋒墓

在四十七都大源鎮口紹興十一年鋒以父去非輔孟太后全駕功太后

許以公主配焉

尚書左丞鄧潤甫墓

在禮教鄉普光寺後今呼其地為相公林

王無咎墓

在縣禮教鄉王安石志其墓曰君南城人王

都縣尉丁父憂服除調衛真縣主簿嘗棄天台縣令以與予共學久之無以衣食其妻子乃去補南康縣主簿會予召至京師因留教授上方興學校以經術造士予言君可教國子命且下而君死君所在學者歸焉賢士大夫皆慕與之游然君寡合嘗閉門治書唯與予言莫逆當熙寧初所謂質直好義不為利疚於回而學不厭

者予獨知君而已君之死年四十有六實熙寧二年閏十一月丁巳至四年二月壬申妻魯氏子網緝始克葬

君南城縣禮教鄉長義里銘曰安時所難學以為已於乎鮮哉可謂君子

胡北帥張機介墓

在張家嶺

進士朱彬墓

在毳狗嶺

進士朱倬墓

在四十八都松山

尚書右丞丁度墓

在二十七都丁家山

明國子助教朱大中墓

在前楹山

給事中何澄墓

在盧江何文淵志其墓銘曰黎川之水滔滔不息先生之學淵源莫測黎川之水

山崔嵬弘博先生之志于焉以樂山高水長先生遺芳顯于盛世歸老于鄉八十餘壽罕有克至子孫衆賢鮮

丘墓

十九

有克備為善獲福如執左契躬行踐履仁義之途於我盧江永世規模

處士涂菊隱墓 在邑南楓山

翰林庶吉涂敬墓 在烏石

僉事鄧義墓 在縣南郊厚山劉文安志其墓

主事涂順墓 在天峯之陽

知縣朱徽墓 在塘坑

主事劉墓

知府何屋墓 在盧江教諭鄭杞志銘曰學究源委力

麾出守先生安之芥帶何有職思憂國體不勝衣引疾抗疏請老而歸漬墨磨丹詩書是閱橫經講道至死不

輒古者不朽惟德功言先生庶幾鄉之前賢孝友之行伊誰敢闕亦有鬼神公在後世聞有德者沒祀于社祀

我先生孰用詫訝

郎中李泰墓 在石峽嶺尚書林俊志銘曰人曰公貴劇

踰耄年壽不止此其名永傳仰公之高日岫之巔遡公之後黎江之泉山隈水曲口碑有鐫千古不朽石失其堅

同知陳衮墓 在仙居觀後

國子祭酒王材墓 在北門張位銘

翰林待詔鄧元錫墓 在七都下村侍郎許孚遠銘曰

世為師六經垂憲燦若星日天經民彛藉以扶植世衰道降異學縱橫玄冥變幻乘其明彼忱高明行僅為丘墓

僻浸而虛誕請張罔極亦有豪雋文章自雄綺言無當
 藻悅徒工嗟爾鄧子黎陽潛學洞燭群迷獨追先覺盾
 繹諸經載摩函史上窺神化俯窺素履名理疲精著述易簣
 不休既歿言立光賁千秋爰考素履名理疲精著述易簣
 恭示民則傲道之藩籬曰存名節而子皎皎曾無玷缺
 實大聲宏升聞於朝微起史局蒲輪在郊擬疏辭官叩
 閣路寢行及盱江少微忽殞自昔儒者稀聞盛遇天若
 靳之莫究其故嗟子涼德辱子深知銘子百世非予而
 誰

贈南京工部尚書前本部右侍郎張櫟墓

在三十三都龍尾保大學

士張位銘制曰邦士所寄何分南北故生榮歿卹與在
 廷等國家之於湯沐敷已爾原任南京工部右侍郎張
 櫟操履清嚴性資抗直初製錦於劇邑施衣綉於西臺
 一疏批鱗惟異保全乎善類幾年削籍寧期再被於恩
 私及至陽環以來益堅如矢之節游更卿寺乃貳冬官
 將作之稽覈必親陵園之繕葺惟忠迨投閑於止是遂

抱疾而長終追勸示酬定為彛典是用贈爾為南京工
 部尚書錫之誥命云銘山赫赫司空邦之直臣再蹶再
 奮紹休理輪一擊見摧儒者自靡百煉純鋼化為繞指
 我道如是榮辱奚計薑桂自性詎能阿世忠肝勁節時
 孰逾公才不盡用未譽令終百里循良九列掀揭中外
 展采粹白無涇歸怡林壑雲水烟嵐世事不問風月可
 談推其有餘行德於里敦義篤仁杜門掃軌盈堦蘭樹
 競爽傳芳諸所未竟俾熾而昌卹典焜煌昭賁玄室干
 秋萬祀永保結吉洵溪龍尾鬱
 鬱佳城過者式焉昭代名卿

贈尚書張廷用墓

在壽昌寺後山

贈尚書張蕙墓

在三十三都金獅坪

封檢討前知縣王祿墓

在仙山

光祿寺少卿馮渠墓

贈尚書涂宏墓 在南坊仰天峯

贈尚書涂朝敬墓 在西坑石磔

尚書涂國鼎墓

知府涂雲鴈墓 在邑北象山

主事黃端伯墓 在縣九都忠孝橋

侍御丁琛墓 在西坊水南

郎中丁芹墓 在水口司前

侍御鄧澄墓 在二十七都盧海南昌黎元寬志其墓

廣昌宋伍之奇墓 在縣西龍泉觀後

誥贈中散大夫廣東提刑何宏墓 在縣陵安里石人嶺

學士何坦墓 在安上里蓮花峯

知府何溥墓 在文會里巴口子何行題其墓

學士丘挺墓 在石城縣石上里壺頭嶺

明贈正議大夫吏部左侍郎何德源墓 在桃源竹源

贈正議大夫吏部左侍郎何景榮墓 在桃竹下源尹鳳岐題其墓銘曰世

德之傳江河之水其源既深其流無已廣昌之何世有君子或隱或顯性醇行古中有景榮克紹前緒紫誥追封重泉永賁再濬其源再導其流世德作求福澤悠悠

贈刑部員外曾宓墓 在桃竹坑汪備題其墓

贈布政使揭叔元墓 在文會里王直題其墓銘曰天之

重惟時捨攘民弗寧居不有宏才誰闡厥謨侃侃揭公

仗順而興衆心樂從霧滃雲蒸師律有嚴人各用命寇

非不多我以奇勝芒芒邑邦廬井相望孰敢來侵以取

覆亡或翦其渠或推其醜我民既安謂公父母鳳凰于

飛胡乃就箴一失莫復捨矣其忤豪傑之爭靡所底定

惟正是從厥有殊應公雖不延所存者長寵命自天丕

顯其先子孫繩繩膺受帝社德之不亡曷其有已縣南

之原靈秀萃焉過者必式方伯之阡穹碑峩峩樹之神

道刻此銘詩

太史所造

御史魏卓墓 在南城二十八都魏坊六臺

贈刑部主事李慶墓 在桐樹坪舒

贈布政使揭思忠墓 在揭坊

按察使賴巽墓 在佛流口何

參政賴瑛墓 在新坊里大翁山何文淵題其墓銘曰廣

而不倦文章典麗拜官烏府剛而不吐激揚有聲衆中

人虎出守遠方民樂時康利澤及民允能不忘葬于太

山川谷迴環四時祭奠子孫綿綿墓石

斷事黃琛墓 在揭坊里

吏部尚書何文淵墓 在揭坊里順化坪蕭維禎題其墓

銘曰於惟何姓適著廣昌簪後華

胄賢閣書香篤生偉人頽拔脩揚師事孔孟門由朱張

學術斯正源流乃長荐名利甲試仕臺霜鋤擊奸貪振

肅紀綱剖符出守保民恐傷稽古無愧遂霸循良弼輔

岌鳳山悠悠盱江勒
茲貞珉百世其昌

知府陳嘉謨墓 在麟角里龍王坑口

兵部侍郎揭稽墓 在揭坊里山寺尚書徐瓊表其墓

刑部尚書何喬新墓 在東隅譚家園都御史林俊撰神道碑銘曰天惟純佑光啓盛明有

毓碩人于邦之禎岡鳳誰孳藪麟誰種靈芝無根醴泉獨涌聯休嗣淑有本有文貞霜夏冽粹玉冬温上宰望

崇總茲銓鏡執虛懸平神力內定秋卿式似繼總邦刑隱幽照燭器驩順成國有甫申家有摯陟弗震弗槌並

是遺直縉典申錫華褒是宜有訶若神舊德在茲

兩川吳先生墓 在窠頭孫家排

雯峯饒先生墓 在南應山何椒丘表其墓

知府曾梧墓 在安上里羊畬岡何源題其墓

刑部侍郎贈都御史何源墓 在監南里姚家坊諭祭曰惟爾賦質醇謹制行端方

姑以科甲之英蜚聲治邑繼以郎曹之彥咤譽持銓荐歷清卿遂躋少宰粵從留省召貳秋官藉老成爲典刑

方期大用當急流而勇退遽爾長終爰念舊勞特頒祭葬惟爾不昧尚克欽承

贈刑部侍郎何錢墓 在吳由里王材銘其墓

御史聶侃墓 在小勳坪

文學劉仕表墓

贈江浦知縣黃極墓 在監南里古格桐樹窠

處士吳天俸墓 在回辛里焦竑題其墓

通判李敏墓 在吳田里南庄 何喬新題其墓

副使羅萬程墓 在揭坊 里高坑

吏部文選郎劉文卿墓 在五湖坪

贈左布政使劉承恩墓 在揭坊 里高坑

通判李春和墓 在遷善 里南中

左布政使劉伸墓 在楊家 嶺六尺

贈光祿少卿劉大年墓 在東隅 山舖 救葬潭

贈知府黃必登墓 在東隅 山舖 白竹坪 禮部郎中湯顯祖銘

難亦在其屯 久需於泥 或升於天 險平旺衰 豈可勝原 公之姑與 踏蹬於門 童奔厥考 壯白其昆 孝弟結塞 用

奮於官官無顯微見能者殘錫命而完亦係其真歸休 樂康子賓於王終始儒人禮儀是相慈訓有謚惠音靡 忘屯於東方 蜿若堂白竹 蕤

龍鳳凰我宜銘斯以震其祥 文學魏邦泰墓 在文會里東林山吏 部黃願景題其墓

封太叅何學恂墓

瀘溪李子高墓 在葉源李說撰墓表表曰南城縣東北 遠百餘里六十三都赤境橋吾祖家焉

天聖中嘗省松柏至於子高之室子高業已不仕有男 冠卿生十三年習為詩歌教義諄諄無忝世儒後冠卿

第進士試校秘書守臨川主簿代歸未幾而孤來乞文 日惟先父好學篤善應舉不得官治衣食業不能貪以

取餘醉吟山水間忘其老喜犇人之急里有爭往往和 解之使不致獄訟眾亦愛悅用濟不肖子於宦學未始

有報而舍去忽焉願得表其墳託以不腐爰取其譜而 係之辭曰生無失宜死何足悲有子而奇其後焉可知

丘墓

耶

鄧維屏墓

在十六都巖坑翰林院學士謝德溥撰墓志銘曰天生君子惟德之行江離辟芷處晦

而光乘乎箕尾雲漢為章克昌厥後山高水長

石德盛墓

銘在二都石家塘吏部主事張光岳撰墓志銘曰雲峯岑今巍峩虬松鬱兮婆娑勁峭兮

公之骨蔓衍今陔之蘿水口奇石鳥紗弗磨雲仍奕葉蟬聯多

石文器墓

銘在北門外司前督學副使黎元寬撰墓志銘曰大日遂晴升龍號鳥賢人已乎禦寇擊

蒙匪自其躬嘉言俊雄何失幾先令補老拳傷罔不延公未死心天不怒遺有所用之帝左右是宜鼓兵大狂

公走叫間朱馬來翔若隱其身以留遺民模楷後人維石崑崙姓字兩函神鬼臨監礪詩乃成乃誓乃盟所南

先生僅十年間精術在山我甲難探野哭歔歔丘首獨巍中藏古衣正氣網緼蒼梧有雲壹與排紛賢子口坳

謂我無謫銘詞不磨

于志寧墓

在十一都外西城

李山甫墓

在五都龍溪槐坪

石松墓

在藍田象湖

石致平墓

在稠源傅家山

鄧英墓

在下坊桐樹源將軍出洞形

黃吳老墓

在東原高城山

林亮墓

在營心

饒廷直墓

在八都

黃叔美墓 在官溪周公橋

陳子野墓 在十二都陳坊

傅汝掄墓 在普濟山

鄧觀國墓 在官州屋後

李彥回墓 在五都頭

李淵墓 在五都陳畬

周安禮墓 在三都松林頭

龔夢仁墓 在八都

建昌府志卷之九終

建昌府志卷之十

武備志

蘇欒城極推唐府兵然徵調法詳選厲法少若練其士著擢其地豪不府兵而府兵也覽兵制而前代軍民始而不擾中而相濟終而大厲則今日因革損蓋瞭如矣保甲何以書非兵也而藏於無形地水之義也險要何以書職方不隸于司徒而隸于司馬古制也虎豹得幽而威可載也所革而運軍屯變而運屯矣何以猶書亦存府兵遺意也

建昌兵署宋有兵馬監押廨在郡城北舊安濟門通判廳之後紹興間郡守胡舜舉建紹定二年改為城隍廟今名城隍街者即其處也明有守禦千戶所即元之萬戶府洪武間之指揮司也後併入荆王府改署於蔡家嶺地勢高平四遠可望年久傾廢嘉靖二十八年知府陳公陞重撤而新之中為帥正堂左為鎮撫司右為吏目廳前為儀門大門大門之外左為預備倉旗纛廟撫建守備司以舊道一書院為之旋廢建昌把總司在豐盈倉側已上三署今皆燬

國朝叅將府署即前提督府因明藩故址重建中為帥府前後左右中五營翼之

國朝城守營統于叅將府其署在叅將府之東

建昌兵營在南唐有水軍騎射保節宣毅四營園苑使

李崇贍建宋因四營增為六有牢城左右都營在朝京門內

壯城營在牢城右効勇營在朝京門內武雄營在今玄妙觀東忠節

營在武雄營北即宣毅營也六營禁軍八百餘人每歲大閱有忠節廳至元悉燬已上六營皆

因南唐四營增建明兵營四東營近教場西營在場壽

岡南營近郭家洲北營在黃林段始于隆慶三年四郊

多盜設以居精兵者寇平四營亦廢至

國朝唯教場演武廳存餘四營俱燬叅府城守兩營兵丁

家室俱附帥府署而在外防汛則各立營寨於其地云

南城縣營署附郭不再書

南豐縣防汛營署明時兵統于縣官

國朝康熙五年內撥置防守營官駐扎南隅上街而演武

在東關保障門

新城縣防汛營署明無防守兵統于縣官嘉靖間議欲

移南豐守備于新城祭酒王材力言不便乃止

國朝康熙五年以邑逼閩疆分撥建營左右二協標官千

總一員帶兵五十名防駐新城每八月更代復分撥百

總一名駐守石峽

廣昌縣守備營署宋末成秩巴塞明徙之白水鎮嘉靖

間撤毀崇禎戊寅封山賊起復奏立把總一員擇城外

山川壇建造營房兵駐城外民居城中頗稱不擾

國朝兵劄城內康熙十一年知府高天爵知縣王維翰捐

俸及紳衿營兵合助銀始買建營署坐城內大街

瀘溪縣防汛營署明始無縣

國朝順治十八年始撥建營兵分防假寓民居康熙四年知縣張萃祥率里民構營房于故明上司行署故址

建昌操場在東郊嘉靖廿六年知府陳公陞建隆慶三年僉事陳成甫增設營房以處浙兵之教習邑兵者萬

曆二年寇平都御史凌雲翼罷浙兵營亦廢三十九年知府鄔鳴雷捐俸新之堂曰敦說堂退食之所曰止戈

清署旁為郡邑至守備各公署高築將臺增置營房周匝宏麗太常寺少卿左宗郢記

國朝益加脩葺

南城縣操場附郭不再書

南豐縣操場

在一都蔓草湖北明弘治間王簿茅燧建

太平營

在八都大坪岡原嘉靖間

屯駐浙兵之教習邑兵者後因浙兵擾民撤去營廢

新城縣操場

宋在縣東門外金丰岡明天順間改建南門外南津嘉靖庚申復闢地城內東山團

練以禦閩寇

國朝改建城南五里窰前洲

廣昌縣操場

在南門外

瀘溪縣操場

初在北門外洲上後改建于東城外沙苑平衍寬廣地識云甲上屯兵地脉堅即其

處也今屋廢待建

南城縣巡檢司一裁革 汰牛巡檢司

萬曆八年知府王之屏知縣范涑移瀘溪

巡檢司于 岳口巡檢司久革

會潭巡檢司久革 藍田巡

檢司在縣東八十里宋為藍田鎮置稅務元改為驛明

瀘溪巡檢司

在縣東北一百六十里宋元祐中邵武有

改設巡檢司知縣孫文政 白玕巡檢司萬曆八年知縣

建後改為瀘溪縣遂革

南豐縣巡檢司一

裁革

龍池司

在縣東南二十里洪武二年知縣程瑞建 太

平司

在縣南六十里家崇寧間

新城縣巡檢司二

裁革

石陂司久革

飛鳶司

在東興鄉

武三年巡檢董 同安司

在縣德寨鄉宋漢祐中知軍事

余鰲建同安寨元末改巡檢司

洪武二年巡 極高司

宋紹興七年建長義寨在禮教鄉

檢羅仲真建 故巡檢司遷今所近極高嶺

廣昌縣巡檢二

裁革

秀嶺司

在縣西六十里宋紹興十

三年知縣 白水鎮

在縣東南四十里洪武二

塘坊司在

侯端建 東南一百里洪武三年知

關隘

南城縣

梁安峽

地屬撫臨川實為郡 北界山通臨川大路其山

衝鳳山寨 在鳳凰山麓景定中知軍事饒應孫作屋敷百楹以處成卒元廢之其地近城而高可以

守望 **麻源寨** 在麻源五代時危全諷聚兵處至今人猶曰寨上寨下云左時翊三谷志

麻姑山 路通宜黃可戰可走紹興四年叛卒嘗謀據此山以拒官兵順治己丑叛賊張自盛亦據焉

都軍 通南豐大路五代危全諷會屯軍于此

硝石 南新水陸之衝立有公館

韓婆寨 在九都與 **彭郎寨** 在六十三都與閩接界故老相傳有彭三郎嘗聚兵保障

至今耕者恒於此得兵器焉今地入瀘溪縣

南豐縣

鎮安寨 在縣東七都宋景定間知軍事饒應孫建以鎮盜賊之衝額設寨兵五十人以巡檢繫衙領之

元初改鎮安翼隸建昌路萬戶府元末兵燬

猛虎寨 在東戶者二十四都去縣五十里宋紹興間自新城遷置以鎮東鄉之盜額設寨兵一百二十

人官以巡檢帶衙領之元初廢寨改猛虎翼隸建昌萬戶府元末寨燬故址存焉

新城縣

高寨 在豐義鄉去縣南三十里介于鯉潭龍安之間按盱江志唐僖昭之代所在盜擾而黎汾危全諷相

持于撫州南城龍安鄉之高寨高寨之名蓋始諸此灌園呂南公云余少之時往來鯉潭間入龍安院問高寨

之因能言者蓋鮮或曰犁鋤於隴畝時時得鏽鏃兵則知其嘗為戰地矣其勢隱全顯亢如卧虎如伏龜四陲

所屢可以俯瞰如登樓而察市信其為必爭之地也

石城寨 在豐義鄉去縣南十里按盱江志五代時黎汾聚兵于此立四門設關置堡今有東門寨洲等

武備

六

名乃其遺跡汾敗于黃花岡實石石門寨在東興鄉去

城之西野寨名雖存其址不可究縣東六十五

里中有戰平寨頭牢洲城源寺名按舊志五代亂離有

王之類宋王吉者智勇絕倫聚盜于此今田畝猶或有獨兵箭鏃

未廢在東興鄉去縣東二十五里按舊志唐

人謂之馬家季有馮團者率兵立寨以保捍鄉井今

寨宋未廢在縣境東北七十里一名杉嶺兩

澤縣所築內屬光澤外屬本邑山壁立聳峭夾道其關本福建光

為口關咽喉要害視諸隘為最德勝關在縣南五十里

舊名勘頭隘明守備王址拒戰勘頭山為賊所殺其後

知縣湯建衡始築是關改名德勝六都馬嘴嶺下

黃家嶺隘四十七都嶺南丘家嶺隘五十一都嶺南

李嶺隘五十一都嶺南竹鷄嶺隘

某嶺隘以上界建寧縣大坪嶺隘 東駭嶺隘

紅水嶺隘 虞崎嶺隘 塩嶺隘 四望嶺隘 胡寮

嶺隘 桃樹嶺隘以上界 黃土嶺隘 極高嶺隘 毛

家嶺隘 羊殺嶺隘 嚴嶺隘 東興嶺隘 風掃嶺

隘以上界 野鷄嶺隘 楊梅嶺隘 招軍嶺隘 樟村

-10 150 40 925" data-label="Text">

嶺隘 油嶺隘 馬嘴嶺隘 義陽嶺隘 飛鳶嶺隘

-60 150 10 925" data-label="Text">

鷓鴣嶺隘以上次于 弋陽隘四十四都 鷄屯隘四十五

-110 150 60 925" data-label="Text">

南豐按新城三方並界閩嶺道徑所通莫非險隘然皆無

-160 150 110 925" data-label="Text">

關獨德勝一關又為商旅常行之路此關殊不得其險

-210 150 160 925" data-label="Text">

要兵法云力分於備多為今計者無事則聽其便行有

-260 150 210 925" data-label="Text">

武備 七

事則塞其緩者守其急者庶有其險亦能用其險矣

廣昌縣

軍營嶺

在縣北世傳吳芮征南越時遣將梅錫營其下

龍崗

在縣治西北界山勢至此陡起因險為城不能增
高城外山形嶽崎居民鮮少凡有城守此宜加慎

金鐘崗

在縣治東北界緊護城濠高曠可俯瞰城內凡
有守禦宜團練于此以壯聲勢

山川壇

在河東離城一里崇禎六年宜黃封山寇發疏
建把總司一區翼以營房居兵無事兵民不雜

有事可把河護城從前兵俱統于縣明未專設管官而
部鑄守備篆自

國朝始

東坑寨

在揭坊里去縣南五里有山高峻四圍壁立上
平衍元末居民於上避寇東近若落坪何家

其山尤高寇至則登山瞭望預為守禦

白水寨

析縣初未有端平甲午石城寇犯新坊葛侯崇
節始于塘坊據險立寨越明年郡帥池聖夫徙

置白水之媽石又二年丁酉秋燬始轉屯周家城山龍
雄猛體勢壯麗戎有廨舍寨有營壘與鎮為隣兵民易

市俱便舊有陳干
峰記寨廢不可考

秩巴寨

在吳由里舊志無可考有老兵云叛于建隆初
先是本軍撥効勇指揮百五十人來戍扼江閩

因以為額或云里中有坑台塲置茨湖寨以董役兵塲
廢寨亦遷焉因改今名寨官廨舍營堡頗整傍有止戈

亭軍皆土著印章乃饒信等州同巡檢印咸平三年所
鑄也寨有樂每聖節用之咸淳間邑令朱汝賢有詩并

序廣昌古寨日秩巴每視聖壽兵士拜六么頗有古意
初係西夏進奉本朝二十四人為全部龍興間戍建業

傳習予令廣昌四聽是樂因成長句輒寄寨官俾告來
者於萬斯年庶相為長久云詩曰十大曲破寰海知六

玄對舞纖腰肢秩巴古寨士解圍譜傳建業隆興時天
匏作腔豺窗皮竹撩梟繞繞豐指麾慢曲出入和栢枝四
部中分聲遞隨行齊氣勇拍趨吹妙伎那教呈健兒忽
然錦袖左抱持伸拳俯拜當堦墀三臺搥鼓徹送之我
聞此樂來西陲思濃四沐需雲期君仁先祝慈廟慈壽
崇蟠桃度瑤池乾會佳節等翼箕國安磐石民恬熙不
忘武事功平彘臣微釐扞同熊羆附庸此日江之西時
人入耳鄭衛瀉指蕤擊磬今奚師舊樂之半見絕稀十
有二數存音儀紅裙擲毬顏忸怩採蓮况欲追耶溪樂
明美報意遠而兩宮睿筭南山齊偶然問答成歌詩於
萬斯年陪壽卮

秀嶺 增田嶺 丘坊隘 茱萸隘 船尖隘 盤湖

隘 以上嶺隘為各境接壤而東南峻僻故常多伏莽

宜預時備防

萬安砦 城南十五里 水堽砦 城北三十里 官石砦 城北二十五里

月裏砦 近南豐界 花石砦 縣東三十里 太平砦 縣東北三十五里

羊石砦 在文上里上有石池可容數百家四面壁立其下瞰溪潭昔人于此避寇旁有滴水砦與羊石

相望順治己亥土寇踞叛知府高天爵率兵圍困十數月始破詳邑紳何三省平砦紀

瀘溪縣

彭郎寨 詳前嶺村寨

建昌保甲鄉兵在宋見於史者有熙寧保甲法建炎中

立甲隊部社都法五人為甲五甲為隊五隊為部五部

為社五社為都都有正副二人使之相保相受以察奸

憲捕盜賊其法纖悉具備奇邪屏跡歲冬十月按試于縣仍聽守令節制前此論民兵者皆莫及焉明亦嘗著斯令嘉靖末年都御史胡松議郡縣立守望親兵及時團練自備衣械用十家爲一保五保爲一黨立黨正黨副街長村長鄰長以相維屬譏防奸宄救應火盜給助婚喪隆慶五年都御史徐栻復申其令十家爲甲立甲長十甲爲保立黨正稽飭惰廢分巡僉事許鏌督行甚力嘗有李日升者禦寇而死卽爲立廟於西關以激勵勇敢地方賴之後都御史潘季馴復督邑令巡歷鄉都閱刷賞罰之夏冬二季具冊申報

國朝之申飭尤嚴分守湖東道叅政李士禎立社長社副各一人今仍之

運軍起于明守禦千戶所原額旗軍一千七百人萬曆初實存八百四十人內五百三十人爲運糧旗軍駕淺船四十七隻三百一十人爲操守旗軍其初或以軍功或以謫戍皆永著伍籍有逃亡挨緝之令有絕戶勾補之令焉本以防守而後遂移爲兌運之卒

國朝雖裁革軍官世襲不叙而運軍戶籍不變世久籍下

頗肆攀誣遂蔓延于民籍知府高天爵推官狄宗哲編
審立冊分別軍民以存亡定編派以貧富定領運津貼
民若更生焉

建昌屯田地八十九項在廣昌縣揭坊等里該撥軍舍
餘丁三百五十六名佃種歲收籽粒二千零三十三石
四斗二升三合原額田地七十五項二十五畝該籽粒
米一千八百零六石運送建昌府豐盈倉上納弘治間
差科道部官蔚春等督同建昌府同知沈景管屯千戶
王鏊等履畝清查查出田地四十一項二十畝五分該籽

粒米六百五十六石四斗四升九合一抄每石折銀二
錢共銀一百三十一兩二錢八分九厘八毫二忽內一
十三項七十五畝該籽粒米二百二十七石四斗二升
五合折銀四十五兩四錢八分五厘解送建昌府庫收
貯 餘二十六項九十七畝五分係廣昌縣募民吳六
等一百一十名自願承種該籽粒米四百二十九石二
升四合一抄弘治間廣昌縣主簿陳天敘建議刊籍定
制折銀八十五兩八錢零四厘二毫八忽送納本縣收
貯以備本所隄備官軍口糧支用今仍之

附錄

宋諶祐撰陽縣令平寇碑天生萬物春陽之華始本于
隕霜肅殺之時以此見不得不攻萑苻之盜而後國可
爲者此亦順天時以正人事之所急先南豐邑號嘉禾
舊俗淳媿變自庚寅民習爭戰東莊八耆首結關社翁
然雲屯霍然霧散始焉拒追終焉仇殺官不憂民民不
憂法孰培妖芽孰使滋蔓數十年閩山峒險出沒依據
叛服靡常衝突縣郭然後稍用周官禁暴之典僅獲首
惡耻以明刑貸其餘孽額額罔悛暨戊辰昏墊之後爲

富者閉廩以困饑民貪功者崇姦以徼上賞東莊作善
用脰繼變蠢蠢然赤子弄兵如入無人之境破村破縣
燒民居掠民財晝攻夜劫東起西應避地者歸未一奔
塞間巷當此時媒變者反先勇爵利姦賊旣免租又佚
罰而邑井之啼號扶老挾幼不相保存者日千萬數孰
胎此寃使至此極前邑大夫例以牽制不獲展布去官
後無敢試湯鑊識者謂更三日民無統紀具耳目者悉
佩刀劍爲戎首矣部使者於是訪英豪之能勝任者合
辭舉今楊侯前在石城籌嘉績茂隄防井井中外帖安

非侯不足以銷劇變部使者亟檄以行侯承命卽犯雪
霜自顛疾馳七百餘里不旬浹到縣出條教勵甲兵嚴
保禁調軍餉宣德意示官刑一指呼間無不整辦取直
劫者膊諸達道以先民惡克儔胆破惕惕然惟恐有惡
名姓爲侯所知者獨東莊怙終殺寨兵殺奇將狡然不
思順活遂死日此寇不殺吾民不蘇卽自統軍戎服鞭
弭徑空寇穴盡醜類乃行飲至之禮臺府上功邑民歌
窠弓兮矢兮脯豹豕兮釜兮鬲兮飯黍麥兮昔民狡昏
今識卑尊昔民愁苦今識歌舞惟侯春融協我民于中
惟侯秋迥醒我民于病昔夫子所謂朞月而已可者於
今侯尤信雖然侯讀古書行古道所以回古民風易如
反掌卽此規摹何施不可燕秦隴蜀草莽春秋江漢襄
淮風火在旦文武吉甫之舊舍今侯正將焉往乎平寇
者平戎之機平戎者又平天下之機顧此一邑豈足以
盡今侯之遠圖余髮種種余心拳拳尙克斯見
元劉燠撰李叅政平寇碑大元運神武以制六合任仁
贖以福諸道江南旣平閱十有七載南北一家烟火萬
里海澄嶽靜風恬日熙彼有負險阻萃淵藪嘯呼萑苻

或一二見不旋踵而嶽歲以平晚晚以寧繇皇威丕暢
遐邇率服厥亦惟蕃宣得人綏靖有方式克至于今日
休至元十一有五年畚寇鍾明亮起臨汀擁衆十萬聲
搖數郡以閩廣交病焉徠捷豕突草萎木枯血肉填溪
谷子女充巢穴有旨進討輒僞降以款我師明年元
起廣昌與明亮犄角瀾漫漫淫遂及我豐豐民素弗二
顧力不克拒則有破脅而從焉者勢張甚又明年春賊
大至陳河田陳九陂又陳小萊鋒交焰熾勢甚張遂犯
州之南門實瞰江賊乘橋攻門是時諸軍捕集出營黃
原城戍單弱藩垣蕩夷事且急乃斷橋以拒之守兵飛
矢露刃市民擲瓦投石適雨暴江漲賊阻溪引退旣退
勢猶張焚戮村落無虛日州惟閉關自保雲沉雨妻官
民喘危老稚悲戚救我者誰一日陰霾劃開天宇澄霽
則叅政李公來號令新和氣回軍聲壯風采肅乃啓城
關乃發倉粟乃寬刑辟乃緩商征政有便民者罔弗舉
民始有生意賊亦望風鳥驚獸散於是責官吏以招徠
分師旅以討捕悔過宥之負固誅之州境畢清則率諸
將擣丘元之巢殲其渠離其黨綏輯其流亡振旅還州

州人香旗歡迎感極且泣曰生我者父母全我者參政也自立元敗而明亮孤不數月賊悉平嗚呼公之功偉矣端人也其仁如春其情如水其誅賞公平如權衡其在軍中手不釋卷雖羽檄紛馳猶崇學校修祭禮非其本領正識慮明曷克若是昔公先太師武愨公來救盱盱民嘗刻碑府門今豐之危視盱彌甚而公之德視武愨有光焉是宜碑顧碑亦未足彰公之德也陵石遷易此德不磨日月晦冥此德不掩肉腐而骨骨朽而土此德不忘悅兩碑其相輝垂千載而有永始借是以寄邦

人之思公名世安號龍川家世河西徙居燕為江西等處行中書省參知政事有年矣勲名著聞新膺特旨因任云

何文淵撰江知縣平寇記畧鄧茂七之亂邑東西南三邊皆陷身于賊人無固志公至今老稚出避壯者田且守招義士唐志謙者萬餘人訓練以待賊知有備遂去之公名敬夫人

明 撰都御史胡松平寇碑 文不載

明 撰都御史解學龍平寇碑 文不載

國朝何三省撰知府高天爵平寇碑

廣昌有羊石滴水二砦上通虔粵南接閩江西建宜黃樂安寧都等縣崇岡峻嶺鳥道深林先是賊首陳百花稱五總者同魯文標蕭來儀等盤踞茲砦十有餘年矣招集亡命恣其所行屢撫而旋叛建屬暨虔閩諸邑荼毒蹂躪莫不飲恨吞聲然百花在日猶可羈縻自賊黨擒殺百花遂推曾文標蕭來儀爲渠帥而諸賊橫肆尤甚于昔年矣廣昌有吉祥舖劉善劉祖者與賊爭木而勝賊遂借爲兵端巳亥秋八月直走吉祥舖分道合圍

時直半人皆就擒故在家者殄殲無遺類近居咸禮

掠戮丁男繫子女殺千餘人焚厥廬舍驅而之烈焰者

又數百人會海氛突犯江寧曾文標蕭來儀等乘機蠢

動薄城攻殺俘淫焚戮大肆鴟張當事者方檄省標郡

戍思得一當卒因海警震鄰徵調旁午遂以撫罷兵且

下砦來降者僅王昂傅勝二賊餘皆負險不受繩約當

是時渠魁未招致也脅從未解散也所踞之砦未空也

所踞之民居民田所俘之婦女仍未返也且王昂傅勝

機變械飾借就撫爲名得往來邑中以觀我兵之動靜

而爲之備高公憮然曰此養虎也自貽伊戚可若何不一勞者不永逸卽欲援師整旅滅此而後朝食乃甫下車方講求催科以行撫字夙夜弗遑未幾四月乘建寧兵叛而寧都有割毛賊半條命者伺隙嘯聚期與叛兵相合以厚集其勢而曾文標蕭來儀等仍陰佐之衝犯頭陂官兵堵禦賊衆而兵單把總嚴斌爲所襲殺馳報院 道公卽會建營參將王君之任領馬步精兵親馳撲勦賊聞兵至遁入石城寧化山中我兵雖銳難越界溪入乃還公俯而思曰山賊相合勢若燎原不可嚮邇

叛兵與賊鳩合曾文標蕭來儀等勢險負隅王昂傳勝時通密謀非大創迅掃曷靖亂萌乃申請發兵卽約

虔臺蘓公并發勁旅咸會於廣昌於是選虔兵一千令

鎮標遊擊王君把什統之省旅一千令提標遊擊劉君

光俊統之撫營三百令守備袁君見龍魯君紹連統之

又奉發千總高應選領兵三百續遣守備王君大才統

領省兵及廣信營千總鄒時俊贛營守備方君鼎新增

兵七百名署營參將王君之任則率本部兵丁六百名

又廣昌營守備崔君繼文所轄兵丁三百合計官兵四

千有奇約期進勦檄公監督兼署道篆授以方畧俾公調度軍前公與諸將交歡而訓練其士卒察其中有脅力有智術歷山飛塹捷如猿猱者輒陰厚之以備用遂於五月十九日筮吉會同王叅戎誓師啓行馳至廣昌公語諸將曰頭陂爲兩砦咽喉賊多雜處且爲諸伏莽所伺出沒不常之地王昂傳勝今且隨營爲肘掖患竊漏聲息與砦孽呼吸相通故曾文標蕭來儀等築垣修險繕械儲糧凡火藥火器制敵之具無一不備彼所睥睨豈特東一路哉必先除逆黨以遏其外援又必早擒

陽順陰逆之王昂傳勝以絕其內應乃令守備崔君繼文留守縣城池遂移兵疾趨於二十三日頭陂時王叅將王遊擊先引兵往寧都之青陰麻田擊賊丘應選等搗其巢於是分兵夾勦賊力屈勢窮乃出降公卽會寧都張知縣將丘應選赴贛請蒞于虔臺遂各引兵歸營路擒賊謀符隆吉符汝發公同諸將審實錮獄又于洪水坑小軍砦進勦陣斬賊將一員獲其僞劄知爲僞叅將黃國勝也陣獲驍賊五名張啓明劉得勝張賤高端謝寅陣斬賊衆二十三名奪獲旗幟鋼叉火炮等械

而寧都之賊亦被劄而奔矣公乃約諸將携所部官兵會集于頭陂相地駐師王昂傳勝果伺我兵動靜以密通於二砦於是魯文標等自砦領賊千餘各持利器直衝駐兵之地度我兵初至希圖掩襲幸籌畫已預偵賊來路設伏以待以建營五百密伏於路左以贛營五百密伏於路右又以鳥鎗二百密伏於二里之遙以砲爲號約遇警齊發公同鎮將以親隨勁旅守王昂傳勝於營不踰時賊衆馳來若飛砲聲一聞伏兵四起公乃揮諸將以精騎疾驅縱橫衝殺而衆賊遂奔我兵乘勢追

躡生擒砦首魯文標黃立功而內姦王昂傳勝亦就戎索矣陣斬逆賊五百有三名陣獲大旗三十有七虎叉六十有三鳥鎗四十短刀一百有奇長鎗二百五十有五此六月十一之捷也又會同諸將大索城中姦宄以杜隱憂擒獲幸花苟等十名公以爲或屬脅從猶可寬宥乃集縉紳士庶於演武場同諸將會訊而詳詢之士民皆曰此積孽非株連也乞蚤正法以除內亂卽將花苟等與符隆吉符汝發立斃通衢一時歡聲動地而魯文標黃立功王昂傳勝亦先後斃獄服寘誅矣乃拔營

盡趨羊石砦下而遊擊劉君光俊亦引兵會合公卽同諸將週覽山川形勢其最險者爲羊石砦懸崖峭壁猿狖莫窺前惟一隘路透迤上登者手挽足移十步九折所謂一夫當關萬夫莫開者也去羊石不數武爲滴水砦其高過於羊石我兵仰攻如在天際環山四面又設重關以益其險羊石滴水各有前關又有關曰金井曰巖關曰腰關曰布弔關曰柏石坳曰牛盆壠皆鳥道崎嶇賊創窩舖築堅城閉關拒敵於是與三營將士扼其要路分駐而守之贛營兵馬則駐金井關與弔布巖關

省營兵馬則駐羊石前關以及柏石坳撫營兵馬則分遏要途建營兵馬則駐滴水前關暨牛盆等處左右兩山我兵皆造木城置紅燹大砲以遏其奔衝各標隨征守備則有蘓君鵬雲王君大才楊君國棟方君鼎新陳君以夔袁君之芳魯君紹連袁君見龍等千總則有侯見朝李自玉宋茂勳王霖寇進宋舉劉應元高應選侯得祿鄒得楚鄒時俊任有功等把總則有周舜德王天才馬光胤 居進戴守明陳所學鄧五曹進忠管天祥王萬秋李國崇陳有功張應龍楊明實劉光印許燧張

文學吳學玉盧世秀皆聽調度節制一時諸將多智勇兼優而嫻于韜畧精于技能事不避難義不返顧咸曰此吾立功之秋也分營已定 部院張公遣官賚

皇令授以相機便宜從事高公拜乎稽首而受之卽集將誓師有不用命者如此令其士爲之悚慄軍聲大振是時廣昌南豐有人和忠義等會合江東西城千善吳油監南長上金沙等處鄉勇皆苦于賊而自相聯絡以爲防禦者公俱調集之以助攻戰維時人心踴躍皆願前驅中有稔知砦徑深識賊情者公加意待之留置營中

不時密召而使爲向導于時移撤各營造雲梯繕堅盾緝纜繩備弓矢礮礮稍脩火器旣完具矣乃分路進攻期以七月二日攻取滴水砦分提標以攻正關中路贛營則攻腰關左路建營則攻腰關右路撫營省營則攻上中路是日黎明各立雲梯進取分同王劉兩遊擊王叅將督諸軍士用力奮攻提標李把總率兵直上而贛營兩梯遂與諸路並進至山之半賊伏兩旁斜出以禦我兵鼓勇而登殲賊一十六名適右路梯折後勁不繼而上截山壁巖皆砂土前募軍士難於駐足賊衆以馬

又爲鎗死守其地插木滾石齊發自寅至巳箭盡兵疲
暫鳴金收兵公謂諸將曰賊憑高恃險逆我顏行法有
攻而不圍或圍而不攻惟善所以圖之今此賊狡甚強
攻之則難計襲之則易諸將皆曰善遂馳報 部院蒙
批官軍奮勇深可嘉尚但此時天暑或暫圍山砦守要
路嚴加隄防勿使衝突兔脫如或機不可失又宜直進
以奏廓清公卽與諸將籌畫備造堅盾雲梯將所頒大
砲移置滴水前關及左右山後遴選火攻勁卒捐貲給
賞以勵之遂于七月廿二日竭力攻圍於是右隘關垣

爲我兵所毀越三日又衝其關門門遂圯因語諸將曰
真貴神速乘此動搖亟宜進取寇不可縱機不可失曷
哉毋懈皆許諾乃循前所分布約晦日五鼓直趨砦下
公親督各兵奮勇疾攻關前用砲矢殺守關賊三十餘
名關右堅壁如故內伏勁賊復將插木滾石暨鳥鎗齊
發軍士駐足頗難姑撤兵以俟再舉至八月屢報有賊
四百餘屯寺川洪水坑諸處又聞賊有駐船坳者公曰
此砦賊糾合外應欲以牽制吾師耳亟遣候騎偵之卽
謀諸王叅將疾以精騎分馳勦禦至洪水坑群賊果旋

旆相向我兵分路而進勇氣百倍賊皆披靡遂殺一百一十三名所獲旗砲鎗鋼叉勾鐮不可勝紀復發精騎疾趨船坳賊方炊爨掩其不意殺賊二十生擒五名皆負重傷者立斬之陣獲大旗鎗砲數十餘賊奔遁賊首謝三總被我兵飛騎追之獲其騾又分遣鄉勇徧視諸山獲賊器械無筭其丁劉文虎砲傷驍賊一名斬其首自是外接旣扼而砦勢孤矣乃嚴飭諸營益堅防禦公曰四面合圍如銅墻鐵壁釜魚阱獸豈能飛越哉九月公聞太封公計音痛心疾首卽思杜門守制備陳哀情

於部院院札諭曰數月運籌已見勞績方藉機畧迅殲逆渠卽守制行間移孝作忠兩全無碍公固辭弗允乃以墨纒從事苦塊擗踊中等壽度機宜繕完攻具夙夜無懈是歲多雨至十月稍霽公曰可攻矣於是整理木虎噴筒並雲梯堅盾傳集兵丁示以賞格有能先登者賞銀五十兩次登者賞銀三十兩又次登者賞銀二十兩兵士愈加鼓舞人各爭先迺敦陣整旅悉擊而環攻之公曰必先攻滴水以奪其險於是各具一梯以省營攻其後關以建營攻其前關以撫信二營攻其腰關又

分贛營一旅攻布弔關又以一梯潛入前關之右于初十日抵砦賊皆死戰鎗石檑木飛擲如雨越十六日晝有不輟我兵益奮勇用命攻羊石者已踰前關右壘矣守關之賊被殺者數名群賊聞之蜂擁追來我兵銳氣激烈又於布弔關之對山築高樓一椽用砲箭衝擊以分其勢又聞滴水乏糧乃於牛盆壠下可通滴水者令鄉勇取竹萬竿同兵拄筏豎頓於其下夙夜巡守以絕滴水之糧又慮逆賊勢窮必謀衝爰嚴督諸營加意以防之相視機宜必圖攻克至十一月賊屢書乞降公曰

撫而復叛前車可鑒莫若就撫爲名以懈其心而陰行吾計乃以羽書射砦諭之曰爾等果降須將砦中之人脩造文冊罄砦而來方爲實據賊疑畏弗敢前公曰此緩吾攻計圖衝越耳益令堅壁勿懈是時歲將暮天氣漸寒官兵戰守自夏徂冬勞苦備嘗每于月明刁斗之下見軍士露宿寒天倍堪憫恤而軍糧乏絕豈容枵腹荷戈暫緩攻戰惟催糧措餉務令足食以資飽騰又捐銀二百購酒肉以勞之自是軍中無夷癸呼益加鼓勵無不一以當十除夕元夜公曰賊伺吾隙在此時矣勝

敗之機間不容髮乃下令諸營戒勿飲酒必擊柝傳籌
倍增防禦公同三營鎮將彈壓行間秉燭達旦者數宵
賊見我兵有備卒無敢動辛丑正月十七日忽報布勇
關之右繼下藍布數十丈公曰此賊下逃也即令官兵
環視果于木城山翳中獲賊黃明宇公同訊審則蕭來
儀所潛遣也曰往約曾華守張宮錫謝三總等為外援
彼聚八百餘人在建洛三源羅嶺諸地潛伏以待計二
月衝營則兩砦乘機可以突圍而去乃斬明宇二月初
九有忽報羊石後關與滴水巖關賊執器械分路而來

公恐外援相應傳令各營且堅壁固守公即親同建營
王叅將領所部兵馬與贛營王遊擊引兵赴牛盆壠之
東互相接應殺賊五十三名我兵追至壠西以砲聲為
號省營官兵攻羊石前關又劉遊擊領兵由羊石右關
暨滴水後關以為聲援建贛兩營三百會合一鼓殺賊
七十五名其殲一百二十八名公復奮不顧身驅兵前
進餘孽勢窮遂走還入砦不敢復出我軍乘勝上攻潛
師復起以襲之魚貫而上斬關直入守關之賊仍將大
砲檣木滾石飛下如雨及將旦乃還當是時春雨連朝

山濤汎溢公曰攻圍日久困獸猶鬪若奮其詐謀未可測也乃於營外復置重營以防水漲且使賊知我兵無懈虛實並用乃可圖也至廿五日蕭來信鄢子勝蔣世端三賊從前關突至守兵見其束手而來問之曰乞降耳公語三營將曰賊來就撫可以計圖矣許之論曰若果携家空砦而來卽槩宥前辜俾爾歸農於是餌以酒食遣令還砦二十七日復來曰砦衆欲得部院給免死牌方敢舉砦而來公姑諾之然慮其狡計借此衝突乃密聞於部院院論砦逆姦謀叵測計圖狡脫務宜

隄防萬勿輕信又不可洩漏風聲使之疑畏該府卽將告示給與蕭來信等領賞回砦勸諭一切逆孽開誠投見必將器械火藥先行呈繳不許藏匿一物各携家口空砦出投其所掠婦女開冊呈報以憑察還原夫與其父母如果聽命卽從優獎賞宥其前罪當是時公知賊心叵測乃羈鄢子勝蔣世端而祇令蕭來信賫院示歸砦限以十日投誠旣去遂不復來乃將鄢子勝蔣世端銅縣獄先後病斃無何忽報有賊四百餘潛布諸路獲其謀者曰久雨連陰山路崎隘加以濘淖官兵難行

且火箭銃砲遇雨莫施故欲乘此衝營可以得志耳公曰土寇出沒皆砦逆餘氛密謀窺伺應設法追捕以絕外援弗可緩也於是傳諭各鄉嚴行保甲又選銳卒於虔閩諸邑界聯之地分兵迅勦賊聞之遂奔潰潛散時值東作兵馬久外慮非所宜且防砦逆衝突遂撤兵回守公語諸將曰師老行間而徘徊砦下非計也宜并力前驅亟圖迅掃皆曰諾於是乘霽會師約撫標贛信諸營攻羊石前關之右而分省營以攻其左并於拍石坳相爲接應分贛營於金井布甲二關四方響應以防逆

賊奔衝布置已定公親督各營於五月朔日乘暮豎雲梯至子夜潛師而入不鳴金不搥鼓令勇敢者先登兵丁宋春來吳相三楊光德張昇范啓明才氣過人卽登雲梯直上然砦之高尤倍于梯非以繩繼之莫能濟也我兵踴躍携繩越至關旁繫繩于木自上垂下使在後之兵得以攀援而上賊聞之持械蠶出五兵卽與之相敵不意賊於火下見繩繫樹遂以利刃斷之而後兵不能躡上矣其先登五兵奮勇相鬪殺賊十名奪獲馬又長鎗并賊屍擲下我兵亦隨勢而下賊用擋木砲石不

絕如雨乃召鄉勇識死者爲誰皆田一卽蕭來儀一係
孫齊王一係張麻子卽梟之示衆所獲器械貯營備用
馳報 部院至五月廿一日大雨如注營間水深丈餘
梁盡毀窩逢盡去木城柵欄盡皆衝沒迨雨止公乃議
曰當茲漲溢賊必踈防宜乘其懈急擊之諸營將士皆
同心協力鼓舞爭先公曰滴水宜先攻踞其險則羊石
不難圖矣遂命王君大才并王霖李自玉寇進蘓君鵬
雲并侯見朝帥兵攻滴水前關命楊君國棟并馬光胤
周舜德崔君繼文并許燧帥兵擊滴水腰關命方君鼎
新并宋舉劉應元侯德祿鄧伍曹進忠及紅旗張自高
帥兵襲滴水巖關又命鄒時俊張文學吳學玉王佐帥
兵襲滴水後關又命宋茂勲戴守明 居進帥兵守羊

石前關又命陳所學王天才帥兵守拍石坳又命高應
選管天祥王萬秋季國榮帥兵守羊石前關左路又命
陳友功楊朋貴劉光印帥兵襲布弔關又命張應帥兵
守觀音砦分布已定卽于廿二戌時公同劉王二遊擊
王參將督各營鼓勇直上賊執械迎敵我兵亦蜂擁而
升亥刻已登其砦呼聲震天賊勢窮砲石莫施惟抱頭

鼠竄陣斬賊五百八十三名其墮崖死者一百二十五名卽命盡燬其巢共獲大旗一十有七火鎗三十有一馬又二十有七又獲長鎗四百七十有二百子砲二腰刀七十有七時將黎明公乃登砦同諸將察驗共獲賊妻一十四口給賞有功官兵又選精銳營兵注滴水山巔而其險遂爲我兵所踞矣公損銀二百脩花紅酒肉以獎成勞捷聞 部院下牌嘉許公語諸將曰滴水羊石互相犄角滴水破則唇亡齒寒而羊石之勢孤矣前日仰攻險猶在彼今憑高擊下勢若摧枯殄殲逆賊在

吾目中乃乘勝鼓勵益加奮勇布置攻具力取羊石仍移會諸將帥其所部分擊諸關布置既定公于初二黎明同劉王二遊擊及王叅將親督諸營砲聲一震四路齊入賊迎敵如前我兵突陣衝殺是日辰刻卽登砦殺至亭午賊奔竄不遑陣斬六百二十七名生擒幸連升蕭來信番天王等三十九名共獲賊婦三十八口大旗二十有四軍砲二火鎗二十有八馬又三十有七長鎗六百九十有奇腰刀六十有五僞劄四僞印二令箭一高招旗一所存稻穀約八百有奇於是盡火在巢卽環

視砦下賊躡死者二百六十四名賊婦躡死者五十五口所掠難婦數十皆給還親夫所存賊婦卽遵 憲行給賞有功官兵稻穀器械分發諸營卽具露布飛聞院 道并將擒獲重傷不能跋履者幸連升蕭來信畚天王等發各營監守而請令于 張公復行廣昌調鄉勇石工犁二砦而平其險弭後患也公念諸營將士拮据經年寒暑弗避拔險攻堅又捐銀二百餘物以勞之巡東道檄云二砦旬日攻克該府調度有方殊可嘉尚行間士卒亟宜犒賞 部院批詳官兵圍勦砦逆該府

勞苦功高亦繇該道調度不淺仰候彙疏 題叙其陣擒幸連升等仰卽軍前正法於六月十一日會諸營將確審并集鄉紳士庶公同填證乃臬示於通衢然後申復 部院請徹兵馬六月廿日班師奏凱公親賫

皇令復命於 張公公大悅曰子區畫苦心勞績不小夫古人以軍功顯者用旌其伐勒諸名山論功行賞此其時矣乃庶叙功次會 度院合疏具 題

勅部議復特加一級其餘將弁分別紀叙奉有俞綸是役也勤勞行間一載有餘親冒矢石雖當盛夏蘊



缺卷11-卷14

隆窮冬積雪春雨連綿之際公不稍懈至措糧餉以足
軍需戢兵丁以安黎庶捐犒賞以鼓士氣皆公之功也
至於殲渠釋脅未嘗妄戮一人駐師連年而邑民無擾
則諸將之紀律嚴明與吾民永相休息者不可忘也故
次其始末爲平砦紀云○合邑士民勒石鄉官何三省
紀



